

AGENCIJA ZA JAVNE NABAVKE BOSNE I HERCEGOVINE

**FUNKCIONALNOST PORTALA JAVNIH NABAVKI/SISTEMA „E-NABAVKE“ KOJA SE ODNOSI NA
OBJAVE PLANOVA/PRIVREMENIH PLANOVA NABAVKI**

Publikaciju pripremila: Taida Bajramović, Pomoćnik direktora

Recenzent publikacije: Tarik Rahić, Direktor

Sadržaj

Kome je ova publikacija namijenjena?	3
Uvod	4
Šta je plan nabavki i privremeni plan nabavki, kako i kada se donose?	6
Kreiranje i objava planova nabavki, privremenih planova nabavki, te izmjena ili dopuna istih	7
Kreiranje stavki u planu nabavki odnosno privremenom planu nabavki.....	11
Pregled objavljenih planova nabavki odnosno privremenih planova nabavki te izmjena ili dopuna planova nabavki odnosno privremenih planova nabavki	14
Praćenje blagovremene objave planova nabavki	15
Rezime	15

Kome je ova publikacija namijenjena?

Ova publikacija je prvenstveno namijenjena korisnicima [informacionog sistema za elektronske javne nabavke](#), konkretno ugovornim organima koji imaju obavezu blagovremene [objave planova nabavki](#) na portalu javnih nabavki, te ponuđačima koji su zainteresovani za učešće u javnim nabavkama roba, usluga i radova u Bosni i Hercegovini.

Plan javne nabavke je dokument koji omogućava transparentnost i efikasnost upravljanja javnim sredstvima, pomaže u pravovremenom i pravilnom sprovođenju postupaka javnih nabavki, čime se povećava povjerenje javnosti.

Objavljeni planovi nabavki mogu biti predmet istraživanja i analize cjelokupne javnosti, kako novinara i medija, nevladinih organizacija i akademske zajednice, tako i institucija koje se bave praćenjem zakonitosti trošenja javnih sredstava.

Uvod

U informacionom sistemu za elektronske javne nabavke (u daljem tekstu: sistem e-Nabavke, portal javnih nabavki) od 2018. godine postoji razvijena funkcionalnost za objavu *plana nabavki* ugovornog organa. U to vrijeme, objava plana nabavki je bila opcionalna odnosno Zakonom o javnim nabavkama Bosne i Hercegovine (u daljem tekstu: Zakon) nije bila propisana kao obaveza. Analizom broja objavljenih planova nabavki u sistemu, Agencija za javne nabavke je uočila nedovoljno i neadekvatno korištenje ove funkcionalnosti. Vjerovatni razlog nedovoljnog korištenja je činjenica da je u tom periodu Zakonom bila definisana obaveza objavljivanja plana nabavki na web stranici ugovornog organa.

Kako bi se povećala transparentnost planova nabavki, te se omogućilo lakše praćenje implementacije istih, članom 13. Zakona o izmjenama i dopunama Zakona o javnim nabavkama (u daljem tekstu: zakon o izmjenama i dopunama) izvršena je potpuna izmjena člana 17. Zakona, a koji se odnosi na uslove za početak postupka javne nabavke, kojim su uvedeni elementi koje mora sadržavati plan nabavke, mogućnost nabavke robe, rada ili usluge koji nisu bili predviđeni u planu nabave, osnovne elemente posebne odluke, obavezu ugovornom organu da objavi plan nabavke na portalu javnih nabavki u utvrđenom roku, i obavezu ugovornom organu da u slučaju ne usvajanja budžeta ili finansijskog plana, objavi i privremeni plan nabavki.

Navedenim članom je definisano kako slijedi:

„(1) Ugovorni organ započinje postupak javne nabavke ako je nabavka predviđena u planu nabavki.

(2) Plan nabavki sadrži slijedeće podatke:

- a) naziv predmeta javne nabavke;*
- b) bročana oznaka i naziv predmeta nabavke iz JRJN;*
- c) vrsta postupka;*
- d) da li se predmet dijeli na lotove;*
- e) vrsta ugovora;*
- f) da li će biti zaključen ugovor o javnoj nabavci ili okvirni sporazum;*
- g) period trajanja ugovora o javnoj nabavci ili okvirnog sporazuma;*
- h) procijenjena vrijednost nabavke;*
- i) okvirni datum pokretanja postupka nabavke;*
- j) izvor finansiranja;*
- k) podatak za koju godinu se plan donosi;*
- l) dodatne napomene.*

(3) Izuzetno od stava (1) ovog člana za nabavke koje nisu predviđene u planu nabavki ugovorni organ donosi posebnu odluku o pokretanju postupka javne nabavke, kojom mijenja plan javnih nabavki.

(4) Posebna odluka o pokretanju postupka javne nabavke iz stava (3) ovog člana sadrži podatke iz stava (2) ovog člana.

(5) Ugovorni organ objavljuje plan nabavki na portalu javnih nabavki, i to najkasnije u roku od 30 dana od dana usvajanja budžeta, odnosno finansijskog plana ili drugog dokumenta kojim se odobravaju sredstva za nabavke, u formi i na način kako je definisano u sistemu „e-Nabavke“.

(6) U slučaju neusvajanja budžeta, odnosno finansijskog plana ili drugog dokumenta kojim se odobravaju sredstva za nabavke, ugovorni organ objavljuje privremeni plan javnih nabavki za period privremenog finansiranja.

(7) Ugovorni organ objavljuje sve izmjene i dopune plana javnih nabavki na portalu javnih nabavki.“

Sljedeća tabela prikazuje ključne podatke iz plana nabavki i njihove koristi za ponuđače:

Podatak iz Plana nabavki	Korist za ponuđače
Naziv predmeta javne nabavke	Omogućava jasno razumijevanje šta se nabavlja.
Brojčana oznaka i naziv predmeta nabavke iz <i>jedinstvenog rječnika javnih nabavki</i> (JRJN ili CPV kod)	Olakšava identifikaciju i klasifikaciju predmeta nabavke, povećava preglednost i usporedivost.
Vrsta postupka	Informiše o pravilima i procedurama koje će se primjenjivati tokom nabavke.
Da li se predmet dijeli na lotove	U slučaju podijele na lotove, povećava se konkurencija kroz omogućavanje manjim firmama da učestvuju u postupku nabavke.
Vrsta ugovora	Pomaže u identifikaciji pravnih i tehničkih zahtjeva.
Da li će biti zaključen ugovor o javnoj nabavci ili okvirni sporazum	Daje pregled dugoročnih planova ugovornog organa.
Period trajanja ugovora o javnoj nabavci ili okvirnog sporazuma	Pomaže ponuđačima u procjeni neophodnih resursa i vlastite sposobnosti za izvršenje ugovora.
Procijenjena vrijednost nabavke	Omogućava bolje planiranje ponuda i pomaže u sprječavanju nepravilnosti.
Okvirni datum pokretanja postupka nabavke	Omogućava ponuđačima da se na vrijeme pripreme za podnošenje ponuda.
Izvor finansiranja	Pruža sigurnost o dostupnosti sredstava za realizaciju nabavke.
Podatak za koju godinu se plan donosi	Omogućava usklađivanje planova nabavki s budžetskim ciklusima odnosno finansijskim planovima.
Dodatne napomene	Omogućava uključivanje svih relevantnih informacija koje mogu biti važne za specifične okolnosti konkretne nabavke.

U skladu sa odredbama gore navedenog člana ne samo da je uvedena obaveza objave plana nabavki, nego je u odnosu na funkcionalnosti u sistemu e-Nabavki iz 2018. godine, uveden i niz novih podataka u plan nabavki, razvijena je funkcionalnost objave privremenih planova nabavki, te su uvedena i nova poslovna pravila u vezi sa objavama svih planova na portalu.

Agencija za javne nabavke Bosne i Hercegovine je pripremila i Priručnik za korištenje koji predstavlja detaljno uputstvo, korak po korak, za objavu plana nabavki, privremenog plana nabavki, te izmjene i/ili dopune plana nabavki/privremenog plana nabavki. [Priručnik](#) je dostupan na službenoj web stranici Agencije.

Šta je plan nabavki i privremeni plan nabavki, kako i kada se donose?

Faza planiranja je jako važna u lancu nabavki. Plan javnih nabavki je zvanični dokument u kojem se detaljno planira potrošnja javnih sredstava putem provođenja jednog od postupaka javnih nabavki koji su propisani Zakonom o javnim nabavkama. Taj dokument treba biti od pomoći svim ponuđačima da prate tržište javnih nabavki i pripremaju se za eventualna učešća u postupcima javnih nabavki roba, usluga i radova.

Ugovorni organi bi trebali pravovremeno donijeti planove nabavki, u skladu sa budžetom odnosno finansijskim planom. Obaveza svakog ugovornog organa je da transparentno i ekonomično troši javna sredstva, te iz toga proizilazi da se namjena budžetskih sredstava mora predvidjeti i detaljno planirati.

Prema tome, plan nabavki za određenu budžetsku odnosno finansijsku godinu sadrži javne nabavke koje ugovorni organ planira pokrenuti i provesti u toj konkretnoj godinu za koju se plan nabavki i donosi. Ugovori koji su izuzeti od primjene Zakona ne uvrštavaju se u plan javnih nabavki ugovornog organa.

Ukoliko ugovorni organ iz nekog razloga ne usvoji budžet, odnosno finansijski plan ili drugi dokument kojim se odobravaju sredstva za nabavke, u tom slučaju donosi privremeni plan nabavki koji vrijedi za razdoblje privremenog finansiranja.

Stupanjem na snagu Zakona o izmjenama i dopunama Zakona o javnim nabavkama, ugovorni organi su obavezni blagovremeno objavljivati planove nabavki, kao i privremene planove nabavki na portalu javnih nabavki.

Također postoji obaveza da ugovorni organi objavljuju sve izmjene i dopune plana javnih nabavki ili privremenog plana nabavki na portalu javnih nabavki.

U ovoj publikaciji cilj je da se skrene pažnja na one stvari koje mogu biti pitanje za savjetodavnu ili tehničku pomoć pri korištenju ovih funkcionalnosti u sistemu e-Nabavki ili koja su se već pojavila kao najčešća pitanja u praksi.

Kreiranje i objava planova nabavki, privremenih planova nabavki, te izmjena ili dopuna istih

Ugovorni organi mogu objaviti jedan plan nabavki za jednu kalendarsku godinu ili više privremenih planova nabavki u okviru jedne kalendarske godine. Ukoliko ugovorni organ prvo objavi privremeni plan nabavki i/ili više njih, u okviru jedne kalendarske godine, sistem za e-Nabavke omogućava objavu i plana nabavki za tu kalendarsku godinu. Nasuprot tome, sistem za e-Nabavke ne dozvoljava kreiranje i objavu privremenih planova nabavki, u okviru jedne kalendarske godine, ukoliko je ranije kreiran i objavljen plan nabavki za tu kalendarsku godinu.

U slučaju kada ugovorni organ ima i sjedište i organizacione jedinice u sistemu e-Nabavke, to se smatra jednim ugovornim organom i pravilo je da se u tom slučaju objavljuje jedan plan nabavki odnosno privremeni plan nabavki.

U sistemu e-Nabavke potrebno je unijeti sljedeće podatke za kreiranje plana nabavki odnosno privremenog plana nabavki:

- Godina – iz padajuće liste potrebno je odabrati godinu na koju se odnosi plan nabavki;
- Opis – kratak opis za plan nabavki odnosno privremeni Plan nabavki koji se kreira;
- Datum usvajanja budžeta – kalendar iz kojeg je potrebno odabrati datum kada je usvojen budžet;
- Privremeno finansiranje – ukoliko se objavljuje privremeni plan nabavki potrebno je u kalendaru odabrati period na koji se odnosi privremeni plan nabavki;
- Jezik objave – moguće je odabrati jezik na kojem operater želi objaviti plan nabavki odnosno privremeni plan nabavki. Sve labele na generisanom planu nabavki odnosno privremenom planu nabavki će biti prikazane na jeziku koji je ovdje odabran.

The screenshot shows a web form titled "Plan nabavke" with a "Pomoć" (Help) button in the top right corner. The form contains the following fields and controls:

- Godina:** A dropdown menu currently showing "2022".
- Opis:** A large, empty text area for entering a description.
- Jezik objave:** A dropdown menu currently showing "-".
- Datum usvajanja budžeta:** A date selection field with a calendar icon.
- Privremeno finansiranje?:** A checkbox that is currently unchecked.
- Buttons:** At the bottom, there are two buttons: a red "Odustati" (Cancel) button and a green "Snimiti" (Save) button.

– Kreiranje Plana nabavki

Plan nabavke

Godina: 2022

Opis:

Jezik objave: -

☒ Privremeno finansiranje?

Period trajanja privremenog plana nabavki - Od:

Period trajanja privremenog plana nabavki - Do:

Pomoć

– Kreiranje Privremenog plana nabavki

Nakon popunjavanja potrebnih podataka kreira se plan nabavki odnosno privremeni plan nabavki. Plan nabavki odnosno privremeni plan nabavki može biti u dva statusa:

- U pripremi,
- Objavljen.

Plan nabavki odnosno privremeni plan nabavki se nalazi u statusu „U pripremi“ nakon kreiranja, a prije objave. Sve dok je plan nabavki odnosno privremeni plan nabavki u statusu „U pripremi“ moguće je vršiti brisanje kreiranog plana nabavki odnosno privremenog plana nabavki, kao i brisanje stavki unutar plana nabavki odnosno privremenog plana nabavki. Nakon objave plana nabavki odnosno privremenog plana nabavki, isti prelazi u status „Objavljen“. Kada je plan nabavki odnosno privremeni plan nabavki u statusu „Objavljen“, više nije moguće vršiti brisanje plana nabavki odnosno privremenog plana nabavki, kao niti brisanje stavki unutar plana nabavki odnosno privremenog plana nabavki.

Kada jedan operater iz tima operatera jednog ugovornog organa kreira plan nabavki odnosno privremeni plan nabavki, svi ostali operateri ispred tog ugovornog organa imaju mogućnost uvida u taj plan nabavki odnosno privremeni plan nabavki, kao i mogućnost ažuriranja istog.

Pored objave plana nabavki odnosno privremenog plana nabavki omogućena je također i izmjena i dopuna objavljenih planova nabavki odnosno privremenih planova nabavki. Bitno je naglasiti da se plan nabavki odnosno privremeni plan nabavki kreira u sistemu e-Nabavke i kao takav se može eksportovati u .pdf format, a nije moguće postavljanje (upload) u sistem e-Nabavki kao dokument kreiran u wordu ili nekom drugom programu.

Dokument izmjene i dopune plana nabavki odnosno privremenog plana nabavki predstavlja dokument u kojem je prikazano samo ono što se mijenja i/ili dopunjuje. Međutim, nakon

objave izmjene i dopune plana nabavki odnosno privremenog plana nabavki, sistem generiše i prečišćeni tekst plana nabavki odnosno privremenog plana nabavki u kojem je uključen inicijalni plan nabavki odnosno privremeni plan nabavki, kao i sve izmjene i dopune koje su napravljene. Prečišćeni tekst je moguće kreirati tako što se klikne na opciju „*Objave*“ pa zatim na zadnju verziju plana nabavki.

U sistemu za e-Nabavke ne postoji mogućnost brisanje stavki iz planova nabavki. Svako ažuriranje stavki iz plana nabavki vrši se kroz izmjene ili dopune planova nabavki odnosno privremenih planova nabavki. Bitno je naglasiti da se nakon detaljne analize primjene ove funkcionalnosti i upita za savjetodavnom i tehničkom pomoći prema Agenciji za javne nabavke, došlo do zaključka da se uvede novo poslovno pravilo kojim bi se prevashodno pokušale spriječite zloupotrebe i kršenja u primjeni Zakona. Konkretno, uvedeno je pravilo da nakon što se objavi stavka nabavke u planu nabavki ili privremenom planu nabavki za istu se ne mogu mijenjatu sljedeća tri podatka:

1. Vrsta postupka,
2. Vrsta ugovora,
3. JRJN (CPV) kod.

Ukoliko postoji potreba za izmjenom ovih podataka u vezi sa planiranom nabavkom, onda je operater ugovornog organa dužan da navede da se odustaje od nabavke definisane sa tako objavljenim podacima uz navođenje obrazloženje u polju *Napomena* koje u toj situaciji postaje obavezno.

Na slici ispod je prikazana forma za izmjenu objavljene stavke. Posebna pažnja se skreće na polje „*Odustajanje od nabavke*“ koje se nalazi na dnu forme.

Naziv predmeta nabavke:	Nabavka produženja validnosti licenci za Microsoft Office 365 Apps for Enterprise, Micr		Izvori finansiranja
Vrsta nabavke:	Postupak iz poglavlja 1 i 5	x ▼	
Vrsta postupka:	Konkurentski zahtjev	x ▼	
Zajednička nabavka:	Ne	x ▼	
Vrsta ugovora:	Robe	x ▼	
Glavni CPV kod:	(48000000-8) - Programski paketi i informacijski sistemi	x ▼	
ID broj predmeta nabavke:			
	☐ Podjela na lotove? ☐ Okvirni sporazum?		
Period trajanja ugovora/okvirnog sporazuma:	12 mjeseci		
Procijenjena vrijednost (bez PDV-a):	4.615,38	KM	
Okvirni datum pokretanja postupka:	30.4.2024.		
Izvor finansiranja:	Instrukcija o privremenom finansiranju institut... x ▼		
Napomena:			
	☒ Odustaje se od nabavke? Molimo da u polje "Napomena" navedete razloge zbog kojih se odustaje od nabavke		
	Odustati	Snimiti	

- Odustajanje od objavljene stavke iz Plana nabavki/Privremenog plana nabavki

Nakon odustajanja od stavke, ugovorni organ u slučaju potrebe za definisanjem nove stavke u planu sa izmijenjenom vrstom postupka i/ili vrstom ugovora i/ili JRJN (CPV) koda unosi novu stavku sa novim podacima o nabavci koji od tog momenta vrijede za tu nabavku.

Opciju odustajanja od stavke ugovorni organ može koristiti i u slučaju da, iz nekog razloga, u potpunosti odustaje od te nabavke. Nakon odustajanja od nabavke kroz izvršenu izmjenu i/ili dopunu plana nabavki odnosno privremenog plana nabavki, te objave te izmjene ili dopune plana nabavki odnosno privremenog plana nabavki, na dokumentu plana nabavki je crvenom bojom označena stavka od koje se odustalo.

5	test	U5000000-1	otvoreni postupak	Ne	Ugovor	1	2.000,00	31.3.2024.	Budžet 2018	AJN BIH	
1 / 2											

		(Poljoprivredni proizvodi, stočarstva, ribarstva, šumarstva i srodni proizvodi)									
6	Primjer	03000000-1 (Poljoprivredni proizvodi, stočarstva, ribarstva, šumarstva i srodni proizvodi)	Konkurentski zahtjev	Ne	Ugovor	1	1.000,00	30.6.2024.	Budžet 2024 25	ORGANIZACIJA JEDINICA UO	
Usluge											
1	Nabavka nafte	55100000-1 (Hotelske usluge)	Pravilnik o postupku dodjele ugovora o uslugama iz Aneksa II	Ne	Ugovor	1	3.000,00	24.1.2024.	Budžet 2022 02	AJN BIH	nabavka se neće realizovati
2	Hotelske usluge	55100000-1 (Hotelske usluge)	Pravilnik o postupku dodjele ugovora o uslugama iz Aneksa II	Ne	Ugovor	1	3.000,00	29.2.2024.	bilo šta	AJN BIH	

Zajednika nabavka
Odustaje se od nabavke

-Prikaz stavke na dokumentu plana nabavki odnosno privremenog plana nabavki od koje se odustalo

Označavanjem da se odustaje od nabavke, toj nabavci se dodjeljuje status da se od iste odustalo i sistem za e-Nabavke neće koristiti relevantne podatke za generisanje izvještaja o realizaciji plana nabavki sa svojom procijenjenom vrijednošću.

Kreiranje stavki u planu nabavki odnosno privremenom planu nabavki

Nakon kreiranja plana nabavki odnosno privremenog plana nabavki, pojavljuje se mogućnost dodavanja stavki unutar plana nabavki odnosno privremenog plana nabavki korištenjem funkcionalnosti „Nabavke u planu“.


Forma za kreiranje pojedinačnih stavki unutar plana nabavki odnosno Privremenog plana nabavki sadrži sljedeće podatke:

- Centralizovana nabavka;
- Naziv predmeta nabavke;
- Vrsta nabavke;
- Vrsta postupka;
- Zjednička nabavka;
- Provođitelj zajedničke nabavke;
- Vrsta ugovora;
- Glavni JRJN (CPV) kod;
- ID broj predmeta nabavke;

- Procijenjena vrijednost (bez PDV-a);
- Podjela na lotove;
- Okvirni sporazum;
- Period trajanja ugovora/okvirnog sporazuma;
- Procijenjena vrijednost (u KM bez PDV-a);
- Okvirni datum pokretanja postupka;
- Izvor finansiranja;
- Napomena.

Nabavka u planu

Pomoć X

Naziv predmeta nabavke:		
Vrsta nabavke:	Postupak iz poglavlja 1 i 5 	
Vrsta postupka:	-	
Zajednička nabavka:	-	
Vrsta ugovora:	-	
Glavni CPV kod:	-	
ID broj predmeta nabavke:		
	☐ Podjela na lotove?	
Period trajanja ugovora/okvirnog sporazuma:		
Procijenjena vrijednost (bez PDV-a):	0,00 KM	
Okvirni datum pokretanja postupka:		
Izvor finansiranja:	-	
Napomena:		
		

– Kreiranje stavki unutar Plana nabavki/Privremenog plana nabavki

Dana 20.05.2024. godine počela je primjena novog Pravilnika o provođenju zajedničke nabavke, centralizovane nabavke i uspostavljanju centralnog nabavnog organa („Službeni glasnik BiH“, broj 29/24), kada je puštena i nova verzija sistema e-Nabavke u skladu sa novinama koje je donio ovaj Pravilnik.

U pogledu plana nabavki napravljene su izmjene vezane za unos stavki odnosno nabavki u plan nabavki, odnosno privremeni plan nabavki. Prilikom kreiranja nabavke za plan nabavki odnosno privremeni plan nabavki uvedeno je da kod ugovornih organa koji u sistemu budu registrovani kao centralni nabavni organi, na samom početku forme operater treba da odabere da li se radi o nabavci za potrebe tog centralnog nabavnog organa ili se radi o centralizovanoj javnoj nabavci. Naime, članom 8. stav (1) tačka e) ovog Pravilnika je definisano da centralni nabavni organ ima nadležnost da objavljuje centralizovanu nabavku u svom planu nabavki na portalu za javne nabavke, dok ugovorni organi za čije potrebe centralni nabavni organ provodi tu nabavku, istu ne objavljuju u svojim planovima nabavki.

Kada govorimo o zajedničkoj nabavci, onda prilikom kreiranje nabavke za privremeni plan ili plan nabavki uvedeno je da kod svih ugovornih organa, uključujući i one koji su registrovani kao centralni nabavni organi, operater treba da unese da li se radi o zajedničkoj nabavci. Kod centralnih nabavnih organa je onemogućeno da nabavka u isto vrijeme bude označena kao centralizovana i zajednička nabavka.

S obzirom da je pomenutim Pravilnikom u članu 4. stav (1) tačka b) definisano da provoditelj zajedničke nabavke je obavezan objaviti zajedničku nabavku u svom planu nabavki, uvedeno je i polje u kojem ugovorni organ označava da li je on provoditelj iste. Članovi zajedničke nabavke ne objavljuju zajedničku nabavku u svom planu nabavki odnosno privremenom planu nabavki.

U sistemu e-Nabavki je napravljeno da na generisanom dokumentu za plan nabavki odnosno privremeni plan nabavki koji se javno objavi na portalu bude označeno da se radi o centralizovanoj nabavci ili da se radi o zajedničkoj nabavci.

		Adresa: La Benevolencija 8/1 Telefon: (033) 251-591 Faks: (033) 251-595 E-mail: ejn@example.ba Web: https://www.ejn.gov.ba								
PLAN NABAVKI ZA 2024. GODINU										
Naziv ugovornog organa: IDB/JIB: Vrsta ugovornog organa: Djelatnost: Datum usvajanja budžeta: 01.06.2024.										
R. br	Naziv predmeta nabavke	CPV kod	Vrsta postupka	Podjela na lotove	Predviđa se dodjela ugovora/os/nog agrađe	Period trajanja ugovora/okvirnog sporazuma	Procijenjena vrijednost (KM bez PDV-a)	Okvirni datum pokretanja postupka	Izvor finansiranja	Napomena
Robe										
1	Test	03000000-1 (Poljoprivredni proizvodi, proizvodi stočarstva, ribarstva, šumarstva i srodni proizvodi)	Otvoreni postupak	Ne	Ugovor	1	1.000,00	1.6.2024.	Budžet	
 Zajednička nabavka										

- Generisani dokument Plana nabavki gdje je predviđena zajednička nabavka

U sistem za e-Nabavke je dodatno uveden opcionalni unos podatka o ID broju predmeta nabavke, a po zahtjevu korisnika sistema koji su obrazložili da im je isti vrlo bitan prilikom unosa stavki nabavke u planove, kao i činjenicu da im je bitno da u svojim korisničkim profilima imaju mogućnost da stavke iz planova pretražuju po ovom podatku. Taj podatak se ne prikazuje na javno objavljenom dokumentu plana nabavki odnosno privremenog plana nabavki.

Objavljeni planovi nabavki odnosno privremeni planovi nabavki, te izmjene ili dopune planova nabavki odnosno privremenih planova nabavki mogu se pregledati na [javnom dijelu portala za javne nabavke](#).



Vijesti
Open data
Ugovorni organi
Ponudila
Planiranje
Nabavke
Objave
Odluke URŽ-a i Suda BiH

Podrška
Bosanski

Planiranje
Planovi nabavki
Pretraga

Pretraga po ključnim riječima

Pretraga po ugovornim organima

Pretraga po godinama

Poništi
Osvježi
Napredna
Eksportovati

Ugovorni organ	Godina	Privremeno	Objavljeno	Planirane nabavke	Šifra	Šifra
GRANIČNA POLICIJA BOSNE I HERCEGOVINE	2024	✓	07.05.2024.	26	6	6
JU CENTAR ZA REHABILITACIJU OSIVNIKA O PSIOAKTIVNIM SUPSTANCAMA	2024		06.06.2024.	6	6	6
KATOLIKI ŠKOLSKI CENTAR OPĆA-REALNA GIMNAZIJA	2024		06.06.2024.	19	6	6
OŠ "MEŠA SELIMOVIĆ" JANJA	2024		06.06.2024.	23	6	6
JAVNA USTANOVA "PRVA OSNOVNA ŠKOLA" SREBRENICA	2024		06.06.2024.	8	6	6
JU Dječji vrtić "Kraljica Radosi"	2024		06.06.2024.	47	6	6
JU OSNOVNA ŠKOLA "SVETI SAVI" ROGATICA	2024	✓	05.06.2024.	13	6	6
JU OSNOVNA ŠKOLA "STEVAN DUŠANIĆ" FRBINIĆ - TESLIĆ	2024		05.06.2024.	8	6	6
JAVNA NAUČNOSTRAŽIVAČKA USTANOVA "INSTITUT ZA ZAŠTITU I EKOLOGIJU REPUBLIKE SRPSKE" BANJA LUKA	2024		04.06.2024.	38	6	6
OPŠTINSKA UPRAVA KUPRES RS	2024		04.06.2024.	10	6	6

Broj redova 10
Prethodna
1 2 3 4 5 6 7 ... 550
Naredna
1 - 10 od 549

Vijesti

Open data

Ugovorni organi

Pomoćnici

Planiranje

Nabavke

Objave

Odluke URJ-a i Suda BiH

Podrška

Bosanski

Planiranje

Planirane nabavke

Pretraga

Pretraga po ključnim riječima

Pretraga po ugovornim organima

Pretraga po vrstama postupaka

Pretraga po vrstama ugovora

×

Poništi

☆

Osvježi

↗

Napredna

📄

Eksportovati

Ugovorni organ	Naziv predmeta nabavke	Vrsta ugovora	CPV kod	Vrsta nabavke	Vrsta postupka	Vrsta dodjele	Procijenjena vrijednost	Plan	
JAVNA USTANOVA "CENTAR ZA KULTURU OPĆINE TRAVNIK" TRAVNIK P.O.	PRILJEVNE USLUGE	Usluge	69140000-1 - Vrednost putničkih prevoza	Postupak iz poglavlja 1 i 5	Direktni sporazum	Ugovor	350,00 KM	2024	🔍
JU INSTITUT ZA ZDRAVLJE I SIGURNOST HRANE, ŽENICA	Nabavka vakcina protiv hepatitisa B	Robe	33651000-4 - Vakcine	Postupak iz poglavlja 1 i 5	Otvoreni postupak	Ugovor	2.100,00 KM	2024	🔍
OSNOVNI SUD U DERVENTI	Nabavka uopisana	Robe	42999000-5 - Ustavarači i mašine za glancanje potkova koji nisu za domaćinstvo	Postupak iz poglavlja 1 i 5	Direktni sporazum	Ugovor	600,00 KM	2024	🔍
GRAD LAKTAŠI	Nabavka i ugradnja unutrašnjih vrata	Robe	44221000-5 - Prozori, vrata i srodni artikli	Postupak iz poglavlja 1 i 5	Otvoreni postupak	Ugovor	9.829,06 KM	2024	🔍
GRAD LAKTAŠI	Nabavka praznovinske zapreke	Robe	10244000-8 - Tisane za zapreke	Postupak iz poglavlja 1 i 5	Direktni sporazum	Ugovor	4.000,00 KM	2024	🔍
URED ZA BORBU PROTIV KORUPCIJE I UPRAVLJANJE KVALITETOM TUZLANSKOG KANTONA	Nabavka usluga stručnog usavršavanja (seminari)	Usluge	88530000-8 - Usluge stručnog osposobljavanja	Postupak iz poglavlja 1 i 5	Direktni sporazum	Ugovor	1.900,00 KM	2024	🔍
URED ZA BORBU PROTIV KORUPCIJE I UPRAVLJANJE KVALITETOM TUZLANSKOG KANTONA	Nabavka hotelskih i ugostiteljskih usluga	Usluge	55000000-0 - Usluge hotela, restorana i trgovine na malo	Postupak iz poglavlja 1 i 5	Direktni sporazum	Ugovor	1.900,00 KM	2024	🔍
URED ZA BORBU PROTIV KORUPCIJE I UPRAVLJANJE KVALITETOM TUZLANSKOG KANTONA	Nabavka usluga tehničkog pregleda vozila	Usluge	71831200-2 - Usluge tehničkog pregleda vozila	Postupak iz poglavlja 1 i 5	Direktni sporazum	Ugovor	100,00 KM	2024	🔍
URED ZA BORBU PROTIV KORUPCIJE I UPRAVLJANJE KVALITETOM TUZLANSKOG KANTONA	Nabavka usluga preplate na pravnu bazu	Usluge	79990000-7 - Preplatničke usluge	Postupak iz poglavlja 1 i 5	Direktni sporazum	Ugovor	495,00 KM	2024	🔍
OPŠTINA ISTOČNA ILIŽA	Nabavka čuara u okviru prezentacije opštine Istočna Iliza.	Robe	22113000-5 - Kršnjačeva djela	Postupak iz poglavlja 1 i 5	Direktni sporazum	Ugovor	4.000,00 KM	2024	🔍

Broj redova

1

2

3

4

5

6

7

...

26862

Naredna

1 - 10 od 26862

¹ U toku je tranzicija javnog dijela portala za javne nabavke, pa se privremeno mogu koristiti portali ejn.gov.ba i next.ejn.gov.ba, do okončanja pune tranzicije.

-Pretraga po objavljenim stavkama u planovima nabavki/privremenim planovima nabavki

Praćenje blagovremene objave planova nabavki

Ugovorni organ je, prema Zakonu o izmjenama i dopunama Zakona o javnim nabavkama, dužan objaviti plan nabavki u roku od 30 dana od dana usvajanja budžeta, odnosno finansijskog plana. U svrhu automatskog praćenja ispunjavanje ove obaveze ugovornih organa, u infomacionom sistemu e-Nabavke je razvijena posebna obavijest (notifikacija) ukoliko se prekrši ova odredba iz Zakona. To znači da ukoliko ugovorni organ prilikom kreiranja plana nabavki odabere datum usvajanja budžeta veći od 30 dana od dana objave plana nabavki, sistem za e-Nabavke će automatski poslati obavještenje o neblagovremenoj objavi prema monitoring timu Agencije za javne nabavke Bosne i Hercegovine. Na osnovu ovih obavještenja Agencija može znatno efikasnije vršiti monitoring ugovornih organa. Pored toga, sistem e-Nabavke omogućava generisanje raznih vrsta izvještaja kako bi se analizirali planovi nabavke, te na osnovu različitih indikatora o rizicima odnosno potencijalnim zloupotrebama i kršenjima Zakona, poduzele odgovarajuće mjere i aktivnosti.

Rezime

Ova publikacija vam je pružila sveobuhvatan pregled funkcionalnosti portala javnih nabavki u vezi s objavom i upravljanjem planovima nabavki odnosno privremenim planovima nabavki. Cilj publikacije je pomoći korisnicima sistema za e-Nabavke, ugovornim organima i ponuđačima, da bolje razumiju proces kreiranja, objave i izmjena planova nabavki, čime se postiže veća transparentnost i pomaže u efikasnom upravljanju utroška javnih sredstava.

Glavni elementi plana nabavki uključuju naziv predmeta nabavke, brojčanu oznaku prema jedinstvenom rječniku javnih nabavki, vrstu postupka, podjelu na lotove, vrstu ugovora, procijenjenu vrijednost nabavke, okvirni datum pokretanja postupka, izvor finansiranja, i druge relevantne podatke. Ove informacije omogućavaju ponuđačima bolje planiranje i pripremu za učešće u postupcima javnih nabavki, što doprinosi većoj konkurenciji i transparentnosti.

Publikacija također objašnjava proces kreiranja i objave planova nabavki, uključujući privremene planove nabavki u slučaju neusvajanja budžeta, te ističe važnost pravovremenog objavljivanja i ažuriranja planova na portalu javnih nabavki. Poseban naglasak je stavljen na nova poslovna pravila koja sprečavaju potencijalne zloupotrebe i kršenja zakona. Publikacija također pruža informacije o mogućnostima pretrage i analize objavljenih planova nabavki na portalu javnih nabavki.

Ova publikacija je pripremljena u junu 2024. godine i biće ažurirana potencijalnim uvođenjem novih funkcionalnosti i pravila u procesu provođenja postupaka javnih nabavki u Bosni i Hercegovini.